

乾隆癸卯年修刊

三原

縣志

卷之

本署藏版

邑人劉紹攸纂
見光緒志賀瑞麟跋


三原縣境全圖

三原縣志圖

城池圖




督學院署




三原縣志圖






三原縣志圖

三




縣署圖



三原縣志圖

四


學宮圖



鄭白渠圖



三原縣志圖






峽水渠圖

三原縣志圖



山峩嵯



三原縣志圖

七

三原縣志總目

首卷

圖

第一卷

地理

第二卷

建置

第三卷

田賦

第四卷

田賦

第五卷

官師

第六卷

選舉

第七卷

選舉

第八卷

人物

第九卷

人物

第十卷

人物

第十一卷

列女

第十二卷

藝文

第十三卷

藝文

第十四卷

藝文

第十五卷

藝文

第十六卷

藝文

第十七卷

藝文

第十八卷

著述

三原縣志卷一

地理

沿革 分野 疆域 形勢 山川 古蹟 陵墓

物產 風俗

沿革

朝

三原縣 屬西漢

唐虞夏商

禹貢雍州之域李志上古黃帝鑄鼎地荆山在其境內

周

湯社 史記秦本紀寧公三年滅湯社又焦獲詩大雅

整居焦獲朱傳焦未詳所在獲郭璞以為瓠中今在

耀州三原縣雍州勝略有獲澤李志邑有焦獲里可

攷

秦

湯社縣 通志始皇改湯社為縣隸內史郡

漢

三原縣志卷之一

地理

沿革

本朝

三原縣 屬西安府

唐

虞

夏

商

禹貢雍州之域李志上古黃帝鑄鼎地荆山在其境內

三原縣志卷之一 地理

張嘉謨說荆山黃帝鑄鼎成騎龍上天乃方外丹

竈之徇公孫卿妄說也荆山亦在今富平縣界

周

湯社 史記秦本紀寧公三年滅湯社又焦獲詩大雅

整居焦獲朱傳焦未詳所在獲郭璞以為瓠中今在

耀州三原縣雍州勝略有獲澤李志邑有焦獲里可

攷

秦

湯社縣 通志始皇改湯社為縣隸內史郡

漢

池陽縣 漢書地理志惠帝四年置池陽縣應劭注在池水之陽故名通志武帝太初元年更秦內史郡為司隸部分置京兆尹左馮翊右扶風為三輔池陽縣隸左馮翊

魏晉

池陽縣 隸扶風郡通志魏晉有扶風郡池陽縣為郡治

後秦

三原護軍 通鑑胡注苻堅於截薛山北置三原護軍元和志以地有鄠原孟侯白鹿三原也郭子章云以地有東西中三原也志說非是明志鄠原清鄠原清鄠原見唐書

北魏

三原縣 元和志太武太平真君七年罷護軍置三原縣屬北地郡

北周

建忠郡 北史毛遐及弟鴻賓傳明帝以鴻賓兄弟所定處多乃改北地郡為北雍州三原縣為建忠郡以旌其兄弟長安志武帝建德二年郡廢仍為三原縣隸馮翊郡

隋

三原縣 隋書地理志開皇三年屬雍州大業三年改州為京兆郡縣屬之通志屬京兆郡

唐

三原縣 唐書地理志武德四年改曰池陽六年又改曰華池仍析置三原縣隸泉州貞觀元年省泉州廢三原縣復華池曰三原隸雍州天授二年以雲陽涇陽醴泉三原置鼎州大足元年州廢還屬雍州通志屬京兆府京兆郡

五代

三原縣志卷一 地理

三

三原縣 五代史職方攷李茂貞據鳳翔有耀州縣屬之梁貞明元年改耀州為崇州縣屬之後唐莊宗元年復為耀州縣仍屬之

宋

三原縣 宋志屬耀州開寶五年升耀州為感義軍興國二年改感德軍元祐三年復置州隸永興軍路高宗建炎四年張浚富平之敗縣屬金通志屬水興路耀州華原郡

金

三原縣 金志屬耀州隸京兆府路有堯門山中白渠

龍橋鎮諸名

元

三原縣 元志屬耀州隸安西路皇慶元年改安西爲奉元路李志元改耀州爲輝州以同官富平三原三縣屬之隸奉元路至元二十四年徙三原縣於龍橋鎮卽今縣治通志屬奉元路耀州

明

三原縣 李志洪武二年改奉元路爲西安府復輝州爲耀州仍領富平同官三原三縣宏治三年本縣唐村里民巨海赴京陳請以三原隸耀州文移往還稽

三原縣志卷一 地理

四

遲不便事下戶部移咨陝西巡撫蕭正勘明覆奏改隸西安府通志屬關內道西安府

分野

鶉首之次 鄭氏周禮注鶉首秦也史記天官書東井與鬼雍州前漢地理志自井十度至柳三度謂之鶉首秦之分也後漢律歷志自井十度至鬼五度爲秦分晉書天文志自井十六度至鬼八度爲鶉首秦之分野屬雍州唐書天文志東井與鬼鶉首也主三輔北地上郡諸地之分唐書地理志關內道古雍州之域京兆華同鳳翔邠隴廊坊丹延綏宥爲鶉首分清

類天文分野訾井鬼在未自井九度至柳三度屬秦分雍州按東井居兩河之陰自山河上流當地絡之西北與鬼居兩河之陽自漢中東盡華陽與鶉火相接當地絡之東南三原在地絡西北井度宜有分次井宿 漢書天文志東井秦地漢王入關五星從歲星聚東井五年遂定天下後漢天文志東井三輔宿晉書天文志東井八星天之南門黃道所經天之亭侯主水衡事王者用法平則井星明而端唐書天文志東井居兩河之陰自山河上流當地絡之西北宋史天文志漢永元銅儀井宿三十度唐開元遊儀三十

三度去極七十度景祐測驗亦三十三度距西北景去極六十九度明史井南方七宿之一八星如井橫列河中參旁之東有玉井故井宿日東井圖書編井八星三十一度爲水患爲行舟在氣爲木在肖爲犴疆域

舊志三原前臨西安後倚耀州左接高陵右連涇陽廣四十八里袤五十三里唐以前疆里尚隘自會昌元年析高陵之清平鄉以奉莊陵規模乃增廣表至今相沿

通志三原縣治在府北九十里東至臨潼縣界四十里

西至涇陽縣界八里南至涇陽縣界八里北至富平縣界五十五里正北偏西至韓家村耀州界五十里東南至高陵縣界二十里西南至涇陽縣界八里東北至富平縣界三十里西北至淳化縣界五十里北至耀州治八十里東南至高陵縣治三十五里西南至涇陽縣治三十里東北至富平縣治六十里西北至淳化縣治九十里

形勢

明志南據涇渭高陵爲之襟帶平原一望繡壤相錯北倚截嶺荆原沃野遠亘三十里河渠環流土地靈秀

仲山拱西界接涇干白渠沿流而下入於城中清河環東通邈五十里至交口會於渭而入河此一邑形勢之大略張縉彥減稅記京兆壯縣道通八郡之首紫馬理創修北關新城記三原天下商旅所集凡四方及諸邊服用率取給於此故三原顯名於天下陳嘉績併關稅記京兆上郡衢通九邊吭扼三疆

山川

嵯峨山 在縣西北四十里史記司馬相如傳注截嶺在池陽縣北漢書上林賦注截嶺山卽今嵯峨山在三原縣西水經注鄭渠故瀆東逕截嶺山南長安志

嵯峨一名截薛山雍勝略嵯峨山在天齊高原之上
特出雲表登其巔則涇渭黃河皆在目前西南屬涇
陽西北屬淳化東北屬三原元和志嵯峨山一名嶽
薛山在雲陽縣東北十里東西二十五里南北二十
里山上有雲必雨常以爲侯寔字記嶽薛山自雲陽
縣界連亘三原縣一名慈峨山王褒雲陽宮記東有
慈峨山今土人謂之嵯峨山明志山分三面秀拔蒼
翠三峰並列隱然若筆架蓋邑之主山也馬谿田通
志山東爲縣之毛坊北爲縣之大盤小盤社寨西有
冶水東有清水其西踰冶水爲仲山踰涇水爲九巖
其東麓有坪爲馬圈有峰爲堯門山無峰爲西原踰
清水爲中原踰濁水爲東原又東爲斷原峨山之麓
盡矣李志山東北峰最高曰鉢孟臺中曰大臺峰頂
有仰天池冬夏水澄清不涸西峰有穴曰石窟深五
六里風從內出

東原 在縣北卽浮山谿田通志以在濁水東故名一
名浮山謂洪水時雍州皆水茲原若浮其上三家里
爲唐永康陵陵南張家里爲唐莊陵原東北爲趙氏

河

西原 在縣西北卽天齊原元和志天齊原在三原縣

西北二十五里谿田通志以在清水西故名一名天齊原以其高也一名七里原計其里也李志天齊原嗟峨東麓也上有天齊祠祠前有泉旱禱輒應

中原 在縣北與東原近谿田通志以在清水東濁水西故名原自三水縣略石門山來巨細起伏南行幾二百里至三原城北清水曲濁水濟西而止蓋三原之主原也上有辛村栢社已村中原村

堯門山 在縣西北文獻通考三原唐縣有堯門山括地志堯門山俗名石門在三原縣西北三十二里上有路其狀若門故老云堯鑿山爲門因名之唐武德

三原縣志卷一 地理

中於山南置石門縣

鄠原 在縣東北濁谷口東元和志三原護軍以其地西有孟侯原南曰鄠原北曰白鹿原李志一名清鄠原見苻秦置護軍時後均里甲取以名里

孟侯原 在縣西北李志原名顯於苻秦後增里甲有孟侯里

白鹿原 在縣東北李志亦新增有鹿原里

清峪水 在縣治北門外又名清河水經注清水自葭襍縣歷南原出謂之清水口東南流絕鄭渠又東南入高陵縣文獻通考三原縣有清峪水寰宇記清峪

水在三原縣西北自華原縣流入谿田通志縣北門外曰清河源出石門山石泉南流百餘里至底石堡爲三原相社里東南流爲義河又東爲鬼谷出鬼谷東南流西有杜寨谷水入焉其地爲橫水南爲毛坊又南逕樂村七里原北東流爲馮村又東逕楊杜村折而南過閭村西又南過第五村東歷谷口魯橋鎮杜村西流爲靖川七里原鹹水入焉又西過涇陽大石里南流逕三原謝家村冶谷水自西入焉又南過涇陽辛官漚迤東至三原湖里村又東至鄭渠邢堰所更南又北折而東過龍橋又東過古城北踰林李

村又北復東逕吳村更北復東至櫟陽古城東南石川水自北來會南流入渭爲交口河此水自石門山至楊杜村兩岸皆石水流不渾故曰清峪一統志清峪水自耀州界來至縣西北十五里出谷口西南與冶谷水合逕縣北門外東流至臨潼界入渭舊時堰水入白渠故蹟在縣西門外通志清水在縣南北兩城之中自耀州流入東南逕涇陽復逕縣境入高陵界

濁峪水 在縣北一名樓底河水經注濁水上承雲陽縣東大黑泉謂之濁谷水又東南出原注鄭渠又東

歷原逕函梁城北又東逕太上陵南原下北屈逕原東與沮水合長安志濁谷河自西北華原縣界逕三原縣西十五里谷口有大堰其水東流溉民田通鑑胡註濁谷近九巖山麓蓋亦濁水歷原南出之處謂之濁谷也耀州志濁谷水南至三原曰樓底河又東至張村分數渠灌田至唐村無復河道谿田通志其源出清峪水源之東南流入耀州界逕牛村西中原村北至三原杜堡里過邵村西南歷逕栢社辛村東永康陵西南流至雒村東出濁谷口折而過東原南樓底西寨北復南流逕東寨東入武官里東流歷西楊村迤北過張村端陵南分爲渠至唐村盡矣此水自濁峪口以北多土少石其流渾濁故曰濁峪

冶峪河

在縣西北水經注鄭渠絕峪谷水又東逕截

薛山南又東合清水王褒雲陽宮記冶峪之源其山出鐵民利冶鑄故名李志冶峪水自淳化界來當仲山之東峨山之西出谷而南直東至辛官漚與清峪河合流入三原縣界經縣兩城中東抵臨潼入渭

趙氏河

在縣東北卽澗谷河通志河上源曰澗谷河

自耀州流入下流至富平界科子頭與石川河會

焦獲澤

在縣西一名瓠口又名三渠口爾雅十藪周

有焦獲水經注中山西有瓠口所謂瓠中也元和志
焦獲藪亦名瓠口通志瓠口卽今三渠口在縣西五
里

五龍泉 在縣東北三十里五龍村通志池方一里許
五泉合流

白馬泉 在縣東北四十里白鹿原下明志其泉澄泓
旱禱輒應焦源溥有白龍泉記

神泉 在后土廟東溝內明志常有雲氣覆其上

天壽泉 在西張村東北李志泉在后土廟左灌溉一
方田地

三原縣志卷二 地理

十一

樊泉 在縣北二十里馮村李志崖半懸出味甚甘列
人謂大似南冷導以灌田

西原鹹泉 在西原南卽谿田通志七里原鹹水入清
谿水者也

古蹟

湯臺 括地志雍州三原縣有湯臺

湯杜 谿田北關新城記湯孫亳王所居今訛爲楊杜
里

黃白城 明志在今縣治東北十里後漢書董卓傳興
平二年李傕欲徙帝於池陽黃白城水經注清水

黃白城西本曲梁宮也元和志黃白城在三原縣西南十五里

建忠故城 周地圖記治清水谷卽今舊縣長安志建忠故城在三原縣北三十一里

永安故城 明志在今縣治東北四十里富平縣界元和志後魏孝昌三年蕭寶夤逆亂毛鴻賓立義柵賊永安元年於此置北雍州亦謂之鴻賓柵其故城在本縣北五十五里寰宇記永安故城卽後魏北雍州城孝武帝永熙元年移北雍州於今宜州仍於其中置永安鎮長安志永熙二年自三原縣永安故城

徙北雍州於今華原縣西

池陽故城 明志在今縣治東北三十里舊唐書地理

志三原縣武德四年移治清谷南故任城改爲池陽縣六年又移故所改爲華池縣仍分置三原縣屬泉州貞觀元年廢三原縣仍改華池爲三原縣寰宇記三原縣後唐割屬耀州在州南五十里

長孫無忌宅 李志在長孫里樓底鎮

粧樓 李志在長孫里樓底鎮卽唐文德皇后母家故宅樓有遺址

李靖宅 通志在三原縣宅有古碑斷缺又云自清涼

原折而西乃唐李靖故居其地屬涇陽今從本傳
端符觀李衛公故物記云二年冬端符於三原令坐
中揖其羣官有客曰李彥芳是衛公之胄也其家傳
賜書與他服器十餘物俱無恙谿田通志清峪水南
至杜村折而西至靖川李衛公故居所也

李子敬故居 谿田通志清峪水過第五村又南爲谷
口元義士李子敬所居

三孝故里 谿田通志羅整菴云宣德間三原杜知府
善政馬處士尚賓涇陽師處士維學三人講學友善
善政及維學廬墓尚賓剖骨養親愈疾時人稱爲三

三原縣志卷一 地理

三

孝里 又分襟橋爲馬尚賓師維學相別之所在丁
村北頂村南木漲渠上三孝里應近木漲渠

西園 通志在縣西北二里有草亭後樂亭三愛園涵
碧池明王端毅公所營

三愛園 谿田通志在端毅公後樂苑中公有三愛說
謂淵明愛菊茂叔愛蓮李唐人愛牡丹已則兼愛蓮
菊亦常居富貴之地於牡丹亦愛之而不嫌云

二園 在郭西一曰井園中有學一堂一曰遊園中有
觀物堂溫恭毅講學棲息之所

耦園 在縣西北十餘里布政使來復同弟郡丞臨游

息之所

胡逸士居 在楊杜村胡廷器居也

鑿研齋 溫自知所營在舍旁恭毅爲御史大夫日科
宋仁宗賜蔡端明石研自知藏之齋中來陽伯賞鑿
謂眼中第一因署書鑿研齋三字劉漢客有記
陵墓

三代

湯陵 括地志雍州三原縣有湯陵

唐

永康陵 通志在縣北四十里葬高祖大父景皇帝舊

三原縣志卷一 地理

古

唐書高祖紀祖諱虎武德初追尊景皇帝廟號太祖
陵曰永康長安志永康陵在三原縣西北十八里豐
原萬壽兩鄉大淡村封內二十五里明志景皇帝高
祖大父名虎仕魏封隴西郡公武德初追尊爲太祖
唐園陵之制皇祖以上至太祖陵皆朔望上食元日
冬至寒食臘社各一祭唐書百官志永康陵令一人
從七品丞一人從八品掌守衛山陵凡陪葬以文武
分左右子孫從父祖者亦如之宮人陪葬則陵戶成
墳四至有封禁民葬惟故墳不毀

高祖獻陵 大清會典唐高祖陵陝西三原縣祭長安

志獻陵在三原縣龍池鄉唐朱村封內二十里下宮
去陵五里通鑑綱目初詔山陵依漢長陵故事秘書
監虞世南上疏願依白虎通爲三仞之墳節損制度
刻石陵旁藏宗廟用爲子孫之法詔所司詳議司空
房元齡等以爲漢長陵高九丈原陵高六丈今九丈
則太崇三仞則太卑請依原陵之制從之唐書太宗
本紀十一年十月賜先朝謀臣武將及親戚亡者塋
陪獻陵十三年正月乙巳拜獻陵赦三原及行從免
縣人是歲租賦賜宿衛陵邑郎將三原令爵一級明
志在縣東北四十三里白鹿原上帝名淵年號武德

在位九年於貞觀九年十月庚寅葬唐書百官志天
寶十載改獻陵署爲臺升令品令一人從五品丞一
人從七品永康陵稱署如故

獻陵陪葬

楚國太妃萬氏 高祖貴妃生楚王智雲

館陶公主 高祖第十七女下嫁崔宣慶

河間元王孝恭 太祖曾孫西平懷王安子

清河王誕 鄭孝王六世孫清河王孝節曾孫

韓王元嘉 高祖子宇文昭儀生

彭思王元則 高祖子王才人生

道孝王元慶 高祖子劉婕妤生

鄭惠王元懿 高祖子張寶林生

號莊王元鳳 高祖子楊美人生

鄭悼王元亨 高祖子尹德妃生

徐康王元禮 高祖子郭婕妤生

滕王元嬰 高祖子柳寶林生

鄧康王元裕 高祖子崔嬪生

魯靈王元夔 高祖子宇文昭儀生

霍王元軌 高祖子張美人生

江安王元祥 高祖子楊嬪生

三原縣志卷一 地理

密貞王元曉 高祖子魯才人生

并州總管張綸

平原郡公王長楷

譚襄國公邱和

刑部尚書劉德威

刑部尚書沈叔安

王都督湛 楊炯撰神道碑湛晉陽人賜田鄠杜間

為雍人以都督瀘滎漆汾四州軍事乞骸咸亨三

年薨文明元年陪葬獻陵

敬宗莊陵 明志在縣東北三十里浮陽鄉張家里豐

原上唐書文宗本紀太和元年七月癸酉葬睿武昭
愍孝皇帝於莊陵文獻通考莊陵在京兆府三原縣
界長安志莊陵在三原縣太平鄉胡村封內四十里
下宮去陵八里

莊陵陪葬

悼懷太子普 敬宗子妃鄭氏生唐書諸子列傳寶
歷元年始王晉文宗愛之若己子嘗欲爲嗣太和
二年薨帝惻念不能已故贈恤加焉

武宗端陵

通志在縣東北三十里唐書宣宗本紀會

昌六年八月壬申葬至道昭肅孝皇帝於端陵文獻
通考端陵在京兆府三原縣界長安志端陵在三原
縣神泉鄉騰張村封內四十里下宮去陵四里明志
在縣東北三十里浮陽鄉張村里

端陵陪葬

賢妃王氏 唐書后妃傳才人狀織頰類帝審帝已
崩卽自經於幄下當時嬪媛雖常妬才人專上者
反皆義才人爲之感動宣宗卽位嘉其節贈賢妃
葬端陵之栢城

燕國定公于志寧墓

于志寧碑麟德二年薨於東都
安衆里之第乾封元年十一月葬於雍州三原萬壽

鄉清池里

淄川公李孝同墓 李孝同墓碑公諱孝同右衛將軍

淄川縣公以總章二年十一月薨於東都永安里第
金石文字咸亨元年五月歸窆於舊塋今在三原縣
石墨鎮李孝同碑在三原北原孝同者淮安靖王
神通之子史但附名神通傳末碑亦磨泐可讀者才
半其人姓氏已不可求書者據趙明誠爲諸葛思楨
于獻公大猷墓 于大猷碑公諱大猷諡曰獻祖志寧
聖歷二年除雍州明堂縣令三年七月終於萬年縣
常樂里之私第夫人李氏卽以其年合葬於雍州三

原縣萬壽鄉長坳之先塋金石文字碑非此時立也
蓋後續爲之故其書並不用武后所製字通志在三
原縣長坳頭

臧將軍懷恪墓 顏真卿撰神道碑開元十二年二月

薨於鄴城官舍冬十月遷窆於京兆府三原縣北原
金石文字今在三原縣九陂城臧氏墓上碑文有廣
德元年十月字谿田通志在三原縣北原三家里東
莞人右武衛將軍

臧將軍懷亮墓 格古要論羽林大將軍臧懷亮碑李

邕行書道媚圓健可愛在三原縣臧氏墓上

榮州刺史墓 格古要論贈榮州刺史碑唐張頌行
在三原縣北原上

臧將軍希晏墓 臧希晏墓碑廣德二年八月左金吾
衛將軍臧公薨於安邑里之私第大歷五年葬於三
原縣長坳鄉公諱希晏字公靖父懷恪魏州刺史上
蔡侯金石文字韓秀卿八分書今在三原縣

李長史廣業墓 石壘鎬華墓碑在三原北原廣業孝
同之孫爲劍州長史子國貞國貞子鎬貴始樹此碑
至鎬以叛遂亡此碑貞元十年立后五年鎬始叛也
碑中有云謂吾遠嘗學舊史云云而前署撰者官刑
部侍郎當是鄭雲逵考雲逵正與李鎬同時撰文無
疑

李尚書國貞墓 李志在縣北原上權德輿撰神道碑
國貞爲宗室儀矩守戶部尚書權知絳州刺史諸校
譎張夜暮變起或以跳驅喻公公曰吾之不敏當死
節竟及焉上元三年二月也是歲改元寶應夏五月
寧神於三原縣之北原

祝府君琳墓 石壘鎬華府君碑子欽明撰在三原縣

元

郝忠定公墓 谿田通志元五路軍民萬戶奠國公郝

忠定和尚把都魯墓在縣北二十里忠定公乃元中
書左丞邾天挺父李志在縣樓底原上有神道碑銘
王磐撰

封涇陽縣子張德明墓 李志在悌友村以世榮貴封
蘇天爵碑銘

贈兵部侍郎張世昌墓 通志在悌友村以子傲貴贈
吳元詰撰碑

明

贈宮保吏部尚書王彥成墓 明志在縣北原

贈宮保吏部尚書王惟真墓

三原縣志卷一 地理

三

贈宮保吏部尚書王仲智墓 明志俱在西園成化五

年勅遣進士蔡晟遣中建饗堂誥命諭祭文碑各一

神道碑一餘悉如二品制

王端毅恕墓 李東陽撰神道碑公墓在尚書府君墓

次公所自卜地也谿田通志在縣西北二里正德四

年勅修

王康僖承裕墓 谿田通志在端毅公墓東嘉靖十九

年勅修

馬光祿理墓 通志在縣西北五里薛應旂撰墓志嘉

靖三十六年十月葬公於丁村坐雲藏公

雒侍郎昂墓 李志在縣北一里萬歷年間賜祭葬

溫恭毅純墓 李志在縣西北三里萬歷三十五年工

部奏請差少卿余懋康監造有碑記

雒中丞遵墓 李志在縣南五里崇正年間賜祭葬

党忠烈還醇墓 李志在縣南門外一里以守城死崇

正五年賜祭葬

杜先生鶴齡墓 通志在三原縣北二十里顧夢游撰

墓志順治丁酉十二月葬於北郭新阡學者私謚曰

孝宏先生

房郎中建極墓 通志在三原縣西南八里許孫荃白

三原縣志卷二 地理

三

松行詩小序明末闖逆竊據關右迫脇縉紳三原樞

部房公建極走突山中絕粒而歿

趙孝子宏祚墓 敦倫編宏祚事母以孝著歿葬二原

縣北

孫訓導逢吉墓 艾陵遺稿逢吉投平利訓導輕財敦

義時有詩云施金不計王孫報應笑孟嘗二窟謀歿

卜葬三原縣東二十里祖塋

王僉事徵墓 張縉彥撰墓志故進士僉憲王公不辱

偽命死之時甲申三月也李賊入關羅致縉紳公懼

不免手題墓石曰明進士了一道人之墓

李中書彥珣墓 通志王心敬撰墓志彥珣康熙丁卯
舉人卒葬縣之北原新塋

物產

穀屬

黍 詩周頌豐年多黍多稌大雅維秬維秠爾雅秬黑
黍秠一稭二米也谿田通志飯黍酒黍兩種酒黍黏
飯黍不黏飯黍惟關中有之晉人種飯黍於地三年
皆黏不可飯種類有紫蓋黍有單籬糜有鴉鴿卵有
牛尾串其黑者曰秠曰秬其黏者釀酒關東所謂黃
米酒也不黏者炊飯關西所謂黃米飯也

三原縣志卷一

地理

五

稷 詩周頌黍稷茂止唐地理志京兆有紫稗粟通志
關中處處有之其名有竹葉清有牛尾黃有紫稗禾
有棒杵穗有櫟花穀有狼尾有驢尾稷之黏者曰秫
秫有紅猫蹄有白猫蹄有猪矢黑有老來變有隔溝
拖然大率黏不黏兩種黏者釀酒不黏者炊飯關西
所謂粟米小米穀米者皆是

粱 詩大雅維糜維芑集傳糜赤粱芑白粱周禮犬宜
粱谿田通志關中處處有之青者為青粱白者形如
芝蔴為白粱亦曰芝蔴粱白粱即芑赤粱蘘也黃粱

穗大毛長謂之竹根黃

小麥 詩周頌貽我來牟爾雅小麥稜唐地里志京
貢麥本草拾遺小麥出關中者爲上品圖經本草出
關中者味甘微寒谿田通志關中有黑芒麥無芒者
爲和尚麥色白者爲白麥紫者爲紫麥色白而粒肥
大者爲御麥早熟者爲三月黃皆小麥也

大麥 爾雅大麥麩唐地里志京兆貢麩唐本草大麥
出關中味寒濕微寒谿田通志穗有六稜者爲六稜
麥有紅皮者爲酒麥爾雅翼曰生於杏二百日而秀
秀後五十日而成宜爲飯又可爲醋其葉可爲餈

蕎麥 廣群芳譜一名莖麥一名烏麥立秋前後下種
密種則實多稀則少八九月熟惟畏霜

玉蜀黍 廣群芳譜云幹葉類蜀黍而肥矮六七月花
開成穗苗心別出一苞苞上出白鬚如紅絨久則苞
拆子出粒如茨實大而瑩白人呼爲玉米

大豆 詩大雅執之荏菹廣雅大豆菽也本草綱目有
黑白黃青斑數色黑者名烏豆可入藥谿田通志關
中處處有之大豆以二月中旬種者爲上

赤小豆 筴比綠豆筴稍大本草綱目宗奭曰關西多
食之枝葉似豇豆張志又有小豆微大而色不赤可

炊飯亦可爲麪三青二黃時取收之

綠豆 開寶本草圓小者佳大者名植豆張志小者作粉水浸生芽作蔬

豌豆 唐陸贄狀京兆府先奏當管虫食豌豆請據數折納大豆廣群芳譜一名華豆渭南志豌豆或粒煮或和煮米粥又可爲粉諸畜賴之苗壯

豇豆 廣群芳譜筴有紅白紫赤斑駁數色生必兩兩並垂子微曲如人腎形谿田通志關中有之

菽豆 廣群芳譜一名沿籬豆一名蛾眉豆子有黑白赤斑四色渭南志扁豆可雜炊米麥

三原縣志卷一

地理

香

脂麻 本草綱目胡麻卽脂麻有遲早二種黑白赤三色有四稜六稜七稜八稜者皆隨土地肥瘠而然咸陽志三月種九月熟味甘寒可榨爲油

麻子 毛詩傳苴麻子也本草綱目一名漢麻以別胡麻也爾雅翼麻之屬總名麻別而言之則有實者名苴無實者名臬谿田通志出南北山

果屬

杏 杏譜金杏大如梨黃如橘武帝上林苑遺種也一名漢帝杏廣群芳譜巴旦杏一名八擔杏關西諸處皆有

桃 詩周南桃之夭夭灼灼其華西京雜記上林苑有秦桃細核桃橈桃金城桃綺葉桃紫霜文桃圖經本草綱目桃出陝西者尤大而美舊志桃出張村里者尤佳

李 詩召南華如桃李小雅北山有李西京雜記上林苑有紫李綠李朱李黃李青綺李青房李同心李含枝李金枝李

梨 三秦記漢武帝御宿園出大梨如五升瓶落地則破號曰含消通志昔人言梨以京兆為佳

棠梨 詩召南蔽芾甘棠傳杜也疏郭璞曰今之杜梨

西京雜記上林苑棠赤棠青棠白棠沙棠

櫨 西京雜記上林苑查三查查羗查猴查羗芳譜櫨

梨處處有之形小於木瓜更酢澀色帶微黃蒂核皆粗

棣 詩小雅常棣之華陸疏白棣樹也又有赤棣樹爾

雅郭注關西有樹樹子如櫻桃可食

櫻桃 上林賦注一名含桃西京雜記上林苑楔四枝地理志京兆府貢櫻桃

林檎 西京雜記初修上林苑羣臣遠方各獻名果異樹有林檎十枝粗於苑中述異記林檎佳美關輔乃

有

蘋果 廣羣芳譜蘋果狀如梨而圓滑生青熟則半紅

半白

按本草柰與蘋果為一物而羣芳譜謂為一類而二種朱彞尊曝書亭集又謂蘋果即詩召南所稱甘棠是也

枳椇 詩小雅南山有枸陸疏其狀如榼官園種之謂之木蜜關內周咨錄崔豹古今注云枳椇子一名樹蜜杜工部入喬口詩樹蜜早蜂亂即此也秦中呼為拐棗

葡萄 上林賦注蒲陶似燕輿可作酒博物志張騫使西域還得葡萄陽雜俎蒲萄在漢西京似亦不少杜陵田五十畝中有蒲萄百樹今在京兆非禁林也南部新書唐太宗破高昌諸郡收馬乳蒲萄種於內苑中併得酒法仍自損益造酒成綠色芳香酷烈味若醍醐

棗 西京雜記上林苑有弱枝棗

柿 舊志柿出豆村者佳

柰 西京雜記上林苑有青柰赤葉柰烏柰廣羣芳譜烏柰一名漆柰赤柰一名花柰柰種之小而早者

卽蘇頌所謂似紅柿而圓小反薄味更甘珍

軟棗 西京雜記上林苑有梅棗廣群芳譜一名榎其木類柿而葉長但結實小而長一種圓如指大者尤美

木瓜 明皇雜錄元獻皇后思食酸味明皇以告張說因進經 出木瓜以獻本草綱目葉光而厚實小如瓜圓小味酢者為木桃大於木桃味濇者為木李亦曰木梨

安石榴 西京雜記上林苑有安石榴十株博物志漢張騫使西域得塗林安石榴種以歸故名北戶錄

三原縣志卷一 地理

七

鄭虔云石榴堪作胭脂睿宗女代國公主嘗為之取其實於禁中叢生成林張志色白而軟者名玉子更佳又有味酸者其實倍大用以佐酒

栗 詩秦風隰有栗陸疏栗五方皆有周秦特饒集傳栗周土所宜木范子栗出三輔史記貨殖傳燕秦千樹栗其人於千戶侯等西京雜記上林苑有侯栗榛栗瑰栗魁栗嶧陽栗

胡桃 西京雜記上林苑有胡桃圖經本草漢張騫使西域始得種還植之秦中大樹厚葉多陰實亦有房秋冬採之

金橘 上 賦 廣 橘 曰 微 字 詩 廣 橘 爲 秦 樹 涪 翁 雜 記
黃 甘 橙 說 有 一 種 小 橘 名 檇 疑 卽 金 橘 廣 祥 芳 譜 一
名 金 柑 張 志 邑 人 自 溪 中 移 來 植 盆 中 冬 月 入 地 窖
仲 春 出 之

松子 本草 衍 義 開 右 亦 有 但 細 小 味 薄

西瓜 張 志 有 黃 瓢 紅 瓢 二 種 黃 者 較 勝

甜瓜 本草 綱 目 葉 大 數 寸 五 六 月 開 黃 花 六 七 月 熟

其 類 有 圓 長 扁 尖 大 徑 尺 小 或 一 捻 色 有 青 綠 黃 斑
參 斑 通 志 陝 地 多 有 之

蔬 屬

三原縣志卷一

地理

天

秦椒 名 醫 別 錄 秦 椒 生 秦 嶺 上 本 草 綱 目 秦 椒 花 椒

也 始 產 於 秦 生 青 熟 紅 大 於 蜀 椒

懷香子 谿 田 通 志 亦 名 茴 香 本 草 不 載 所 出 今 三 原

人 家 園 圃 種 之

韭 周 禮 天 官 朝 事 之 豆 其 實 韭 葢 爾 雅 蔬 韭 生 山 中

者 名 薤 張 志 邑 韭 白 根 長 而 肥 美 勝 於 諸 處

葱 蜀 本 草 冬 葱 卽 東 葱 夏 萎 冬 勝 莖 葉 俱 軟 美 山 南

有 之 張 志 邑 四 季 皆 有

蒜 伏 侯 古 今 註 蒜 茆 蒜 也 俗 謂 之 小 蒜 十 子 一 株 者

俗 謂 之 大 蒜

薤 張志俗呼小蒜有赤白二種

蔞菱 咸陽志一名胡菱

苜蓿 史記大宛傳馬嗜苜蓿漢使取其實來於是天子始種苜蓿肥饒地離宮別館旁苜蓿極望西京雜記一名懷風時人或謂之光風茂陵人謂之連枝草本草綱目長安中有苜蓿園北人甚重之寇宗奭曰陝西甚多用飼牛馬嫩時人兼食之有宿根刈訖復生

蔓菁 陸疏封關西謂之蕪菁方言鹽蕪蕪菁也谿田通志味甘根葉俱可食咸寧縣志根葉畜可禦寒子

為油資用甚廣

同蒿 群芳譜一名蓬蒿生熟食皆宜

白菜 咸寧志黃縐無絲者佳更霜愈美所謂秋禾晚熟也張志邑北鄉廣種味佳

芥 張志俗呼 菜咸陽志芥似菘而有毛味辛可為菹有青紫白三種夏種秋成

菠薐 張志俗呼菠薐唐會要云太宗時尼波羅國獻菠薐菜類紅藍火熟之能益食味咸陽志劉禹錫烹話錄本自頗陵國流入中國語訛耳性冷能解酒

莧 蜀本草莧六種赤莧白莧人莧紫莧五色莧馬莧

也

苦菜 詩大雅董茶如飴陸疏茶苦菜生山田及澤中

得霜甜脆本草綱目苦菜卽苦蕒也其徑中空折之

有白汁

藜藿 本草綱目形色微似白菜近有油利種者甚廣

藜 明皇雜錄高力士詩兩京作斤賣五溪無人採本

草綱目最細小者名沙藜大藜科葉皆大而味不及

莖硬有毛者名折藜味不佳咸陽志藜生田野中作

藜羹最佳西陽雜俎云藜早生王豐年

藜 詩小雅北山有萊集傳草名葉香可食廣群芳譜

藜一名一名 一名紅心灰藜一名落藜老則可爲

杖

灰藜 詩大雅周原靡靡董茶如飴廣雅藜藿也今三

輔之言猶然本草綱目一名灰條菜

芹 詩小雅言采其芹箋芹菜也可爲藟周禮芹菹龍

城錄魏徵好嗜醋芹太宗召賜食有醋芹三盃公見

之喜張志邑皆陸芹

菜瓜 詩小雅疆場有瓜是剝是菹傳剝瓜爲菹也

黃瓜 本草綱目名胡瓜張騫使西域得種故名杜寶

拾遺錄隋大業四年避諱改胡瓜爲黃瓜

絲瓜 張志瓢絲如網滌器亦可食

冬瓜 清異錄果中子繁者惟冬瓜故嗜瓜者目瓜爲百子瓊張志一名白瓜蜜漬新歲燕賓

絞瓜 張志形長色黃有斑點以筋頭絞取瓢蜜漬甘美

南瓜 張志形分圓長色黃者佳

苦瓜 本草綱目一名鋤荔枝一名癩蒲萄皮上疥癩如荔枝殼狀內有紅瓢甘可食通志今陝地名有之
茄子 張志邑有紫白二色咸陽志衍義日出新羅國味甘冷不可多食

三原縣志卷一 地理

刀豆 本草剛目蔓引一二丈葉如豇豆結筴似皂角扁而劍脊三稜

蒲笋 詩大雅維笋及蒲周禮天官醢人加豆之實有笋菹張志蒲草初生者邑東北鄉有之

萹苣 合璧事類萹有數種白萹苦萹紫萹彭乘墨客揮群萹菜自周國來故名張志葉有白毛味苦者爲苦 生啖

蘿葡 唐本草嫩葉爲生菜食大葉可熟啖秦最多張志一名菜蕪胡蘿葡本草綱目有黃赤二種長五六寸大者盈握通志今陝地多有之

百合 張志園林詩以為花其根可食

堯盧 詩邠風八月斷壺本草綱目匏之短柄大腹者為壺

瓠子 詩小雅甘瓠采之又幡幡瓠葉采之亨之廣群芳譜瓠子就地蔓生處處有之咸陽志味苦寒先壺

盧成

角蒿 張志陸璣云葉似邪蒿而細科生三月中莖可生食又可蒸詩云菁菁者莪即此

邪蒿 張志莖葉辛香可食其根略似人參藥屬

木 范子出三輔黃白色者善圖經本草陶隱居言有二種爾雅所謂枹蓊即白木也張志邑產蒼木

遠志 圖經本草根形如蒿長及尺三月開白花陝西州郡有之谿田通志苗名小草

柴胡 名醫別錄葉名芸蒿辛香可食圖經本草關陝近道有之

香附子 本草綱目莎草其根名香附子隨處有之

艾 張志苗莖類蒿葉背白五月五日徧門戶挿之云避毒邪隋酷吏傳屈突蓋為武候驛驛殿刻長安為之語曰寧茹三升艾不逢屈突蓋圖經本草處處有

之

菴蔚 爾雅菴蕒郭註今菴蔚也又名益母

茵陳蒿 本草拾遺蒿類經冬不死更因舊苗而生故名茵陳

牛旁子 圖經本草實似蒲萄核褐色外殼似粟椽而小如指頭多刺

豨薟草 圖經本草葉似芥而長莖高二三尺

木賊 張志產近水地苗長尺許叢生每根一幹無花葉寸寸有節

麥冬 唐本草一種苗有刺而漚一種無刺而滑皆是

三原縣志卷

地理

三

門冬張志葉如韭叢生四季不凋別錄云以根肥大者為好俗呼虎鬚草

淡竹葉 本草綱目又名鴨 草竹雞草藍麩草耳環

草碧蟬花碧竹子竹葉菜通志今陝俗亦呼翠蛾兒翠蝴蝶張志三四月生苗莖多節葉似竹秋開翠花車前 詩周南采芣苢毛傳芣苢馬 馬 車前也

陸疏一名當道喜在牛跡中生

蒺藜 詩小雅楚楚者茨毛傳茨蒺藜也

商陸 圖經本草爾雅謂之蓬葛廣雅謂之馬尾易經謂之莧陸廣群芳譜本草云別名蕩今關西亦呼為

張志俗名樟柳根

苣麻 張志葉大如瓠葉夏秋間極裏抽出花穗結實

有刺如蝟毛攢簇而軟取其仁作油調印色最佳

射干 荀子西方有射干莖長四寸生於高山之上上

林賦藁本射干註司馬彪曰射干香草也土宿真君

本草一種紫花一種黃花本草綱目紫花者呼為紫

蝴蝶花一名烏肩一名鳳翼一名仙人掌俗亦呼扁

竹

牽牛子 本草綱目因其帶似茄蜜餞為果食呼天茄

張志有黑白二種二月種子三月生苗作蔓繞籬牆

三原縣志卷一

地理

五

開翠花

金銀花 本草綱目即忍冬亦名鴛鴦藤張志三四月

開花邑人取以代茶清香可味

蒲公英 本草綱目一名金簪草一名黃花地丁關中

謂之狗乳草

槐角子 本草綱目凡採得去單子並五子者只取兩

子三子者

枳實枳殼 圖經本草木如橘而小葉如橙多刺春生

白花至秋結實櫟類也

酸棗仁 張志小為棘大為酸棗生田隙及城隍中

枸杞 詩小雅集於苞杞陸疏杞枸櫞也一名苦杞一名地骨皮唐地理志京兆貢地骨皮谿田通志地骨皮枸杞根也宋地理志永興軍貢地骨皮本草綱目邱陵 岸者皆可用後世惟取陝西者良

石菖蒲 張志葉有劍脊瘦根密節

貨屬

絲 張志舊多蠶繅近日販自蜀楚鄉間尚有蠶者

綿花 廣群芳譜其種由外蕃入於關陝谿田通志西安府境多有之士人織紡爲業張志鄉人多種取以禦寒

苧 上林賦註張揖曰苧三稜也廣群芳譜凡麻絲之

細者爲粗者爲苧通志藍田三原俱有

紅花 谿田通志西安府境皆有張志種者亦稀近皆販自豫蜀

布 張志鄉間有之勝於販自楚豫者

手帕 張志城內東渠岍有手帕巷乃昔日織絰之所今鄉間有之

紙 張志清水潔白次白者曰麻紙黑而粗厚者曰線紙出焦馬村

線 張志北鄉屯王線馬二村皆業線發甘肅通省亦

發山西其利頗厚故二村人率俯仰有資隣近村庄亦多爲之

蜜 張志蕎花盛則蜜成其渣滓爲黃蠟

蓆 唐地理志京兆貢蓆張志出北鄉種蘆處

酒 張志品類甚多淳漓不一然皆晨漉午飲名曰時酒

花屬

牡丹 張志種類不一園林多植佳者一本易數金據異記開元禁中初種木芍藥卽今牡丹也廣群芳譜開元中天下太平牡丹始盛於長安

三原縣志卷一

地理

三

芍藥 范子出三輔董子亦名將離本草綱目白者名

金芍藥赤者名木芍藥雜田通志今三原亦有之

紫薇 唐百官志開元元年改中書省曰紫藥薇省格

物要論一名怕癢花以手爪其膚徹頂動搖廣群芳譜一名百日紅四五月始花一枝數穎穎數花

金盞花 張志花大如指頭金黃色狀如盞子四時不

絕

苜蓿 群芳譜入夏始開色深紅花大如錢

石竹 張志六月開其色不一

罌粟 張舜民珍珠花詩莫道長安貧似磬綠堦遶砌

盡珍珠延綬鎮志珍珠花亦名米殼張志俗呼米殼
有千瓣五色

虞美人 張志花類墨粟而大葉相對

萱花 說文萱名忘憂咸寧志一名宜男花葉可食

蜀葵 西京賦註戎葵今蜀葵陳虞繁蜀葵賦惟茲珍
草懷芳吐榮挺河渭之膏壤吸鼎井之元精本草綱
目有千葉單葉之異

山丹 食療本草百合紅者爲山丹

鳳仙花 張志俗呼指甲花莖有紅白二色花或白或
紅或紫或碧或間色

三原縣志卷一 地理

三

玉簪 廣群芳譜武帝寵李夫人取玉簪搔頭後宮人
皆效之玉簪花之名取此

荷花 上林賦註張揖曰蓮根則藕初學記昭帝柳池
有芙蓉素色大如斗花葉甘可食唐地理志京兆貢
藕粉張志有紅白二色多植園林

西番蓮 張志雅淡似菊夏秋相繼不絕

秋葵 廣群芳譜與葵相似朝夕傾陽俗呼向日葵

菊花 名醫別錄生雍州川澤張志種類甚多近有六

月菊翠花

蓼花 詩周頌以茶蓼傳蓼水草張志俗呼水紅花

夾竹桃 廣群芳譜花淡紅類桃花葉狹長類竹

秋海棠 廣群芳譜一名八月春有二種葉下紅筋者

常品綠筋者更雅

玫瑰 張志叢生紅花以沙糖同搗為玫瑰醬甚香

雞冠 張志邑有赤白黃綠四種大者如扇面

薔薇 賈氏說林武帝與麗看花時薔薇始開態若含

笑帝曰此花絕勝佳人笑也張志有紅白二種取露

甚佳

刺縻 學園餘蔬似玫瑰而無香

月季 張志似刺縻逐月一開李志有粉團花即此

三原縣志卷一 地理

三

南天燭 張志白花密實如赤珠經霜始艷來自終南

十樣錦 張志一名雁來紅俗名老來變

馬蘭 本草拾遺生澤旁如澤蘭而氣臭

海棠 張志有貼梗垂絲二種其子至秋可食俗呼秋

子開耕餘錄宋淳熙間秦中有雙株海棠其高數丈

與江淮所產絕不類徐積海棠花序海棠秦中者為

次其株倏然如出塵高步俯視眾芳有超群絕類之

勢

玉蘭 張志園林多植每株易數金

辛夷 廣群芳譜一名辛雉一名木筆張志似玉蘭而

色紫

繡毬 廣群芳譜春月開花一花五瓣百花成朵團團如毬

紫荊 齊諧記京兆田真兄弟三人共議分財堂前一株紫荊樹共議欲破其樹即枯死狀如火燃真大驚因不復解樹應聲榮茂張志三四月開花甚繁

木槿 張志紅花矯艷朝發夕萎生於下濕

夜合 唐本草葉似槐秋實作美西京第宅山池間亦有種者名合昏張志花紅白上有綠茸葉極細似皂筴及槐每夜必合俗呼絨線花

三原縣志卷一 地理

三

黃桂 上林賦桂椒木蘭西京雜記上林苑樹桂十株張志來自漢中植盆內冬入地窖仲春出之清香不

異南中

蠟梅 西京雜記上林苑有蠟梅隆冬而花廣群芳譜蠟梅雖盛開常半含名磬口梅次日荷花又次日九張志有數種邑人雪中邀客相賞

迎春 廣群芳譜一名金腰帶通志西安府縣俱有之張志正月開黃花不結實

丁香 溪筆談雞舌香即今丁香是也三省故事郎官日含雞舌香本草綱目丁香有雌雄雄為丁香雌

為雞舌香張志紫白二種園林多繁盛亦名木香

紫藤 本草拾遺四月生紫花長安人亦種飾庭池張

志繞樹蔓生花清香可蒸食

薜荔 張志延樹木牆垣而生經冬不凋

木屬

松 詩大雅松柏斯兌寺塔記不空三藏塔多老松歲

旱則官伐其枝為龍首以祈雨張志有白松黃松又

有羅漢松皆自終南

柏 本草衍義 官陝西登高望柏千萬株皆西指蓋

此木受金之正氣所制也張志葉長而銳者曰茨柏

三原縣志卷一 地理

旱

一本千枝叢而圓者曰千枝柏葉扁者曰側柏失血

作湯常飲即止皆醴泉園丁來邑種植

桐 詩大雅梧桐生矣於彼朝陽西京雜記上林苑梧

桐三椅桐梧桐荆桐谿田通志桐三原有之張志開

紫花者為紫桐青皮結子者為梧桐

榆 西京雜記上林苑白榆十株張志有雌榆雄榆雄

榆無錢

楸 詩秦風終南何有有條有枚陸疏條栢也今山楸

也張志木理赤者為楸其葉經霜如楓楸之小者為

楨

梓 詩小雅維桑與梓尚書大傳商子曰南山之陽有木名橋北山之陰有木名梓張志木理白者為梓

鼠梓 詩小雅北山有梗毛傳梗鼠梓集傳亦名苦楸

楮 詩小雅其下維穀集傳穀今之楮樹也漢郊祀志

於官社後立官稷稷種穀樹張志俗名構皮可作紙

實入藥

椿 本草綱目椿樛樛一類三種張志椿木赤色葉香

可食

椅 詩大雅其桐其椅本草綱目梓之美者為椅

樛 詩邠風采芣薪樛毛傳樛惡木也張志白椿木

三原縣志卷一 地理 望

幹可為棟

栲 詩小雅南山有栲集傳栲山栲

檉柳 詩大雅其檉其楛陸疏檉阿柳生水旁一名雨

師枝葉似松廣群芳譜俗所稱三春柳也

水楊 詩秦風隰有楊黃圖長楊宮中有垂楊數畝因

為宮名聞見前錄長安地多楊

白楊 本草衍義白楊陝西甚多永耀間居人修葢多

此木張志葉尖圓微風動搖聲若大雨

冬青 宋靈多遜詩太液池邊看月時好風吹動萬年

枝廣群芳譜一名凍青

槐 西京雜記上林苑槐六十四株守宮槐十株咸寧志木中車器花可作黃 資藥物又有葉晝合而夜布者名守宮槐

皂筴 名醫別錄生雍州山谷筴如豬牙者良咸陽志秦人多樹之以爲社

桑 詩秦風阪有桑咸寧志桑有數種葉沃者曰沃桑可餌蠶結椹者亦有黑白二種張志不擇地而生到處皆宜

竹 詩小雅如竹苞矣西山經竹山竹水出焉北流注於渭其陽多竹箭張志生下濕處莖細葉大者爲詩

三原縣志卷二

地理

四

竹莖細叢生葉嫩黃者爲甜竹入藥

禽屬

雁 詩小雅鴻雁於飛毛傳大曰鴻小曰雁方言自關而西謂之鴨鵝說文秦穆公得百里奚公孫支歸取雁以賀西京賦註駕鵝野鵝

水鴉兒 張志毛黑形似鴿鵠觚臍云旱乾累月氣如焚柴忽樹頭睨睨數聲則滂沱立至

鴿鵠 張志俗呼八哥籠中效人言

黃鸝 詩周南黃鳥於飛秦風交交黃鳥陸疏黃鳥黃鸝留也或謂之黃栗留一名商庚一名鷦黃一名楚

雀關西謂之黃鳥當天寶遺事明皇每於禁院中見黃鶯常呼之爲金衣公子

斑鳩 詩小雅翩翩者騅宛彼鳴鳩孔疏云騅祝鳩郭璞曰今鶉鳩也草木疏鳴鳩斑鳩也本草綱目小而無斑者騅

鳩鳩 詩召南維鳩居之毛傳鳩鳩鳩鶉也集傳今之布穀也方言自關而西謂之服鷓或謂之鷓鷃郭註按爾雅鳩鳩卽布穀非戴勝也

鶉鶉 韻會唐明皇呼爲死奴張志色名不一有家野二種

烏鴉 詩小雅弁彼鸞斯歸飛提提爾雅小而腹下白不反哺者謂之鴉烏說文鴉楚鳥也一名鸞秦謂之鴉

慈烏 舊唐書柳公綽傳柳仲郢每遷官群鳥大集於昇平里第庭樹戟架皆滿凡五日而散家人以爲候張志純黑小嘴反哺人謂之慈烏

乾鵲 詩周南維鵲有巢漢東方朔傳孝武坐未央前殿朔執戟階旁屈指獨語上見朔呼問之曰殿後柏樹上有鵲立枯枝東向而鳴使視果然張志其翼左覆右爲雄右覆左爲雌人謂之喜鵲

燕 本草綱目一名乙鳥一名天女別錄曰紫胸輕小者是越越燕斑黑聲大者是胡燕

瓦雀 通志以色名麻雀以常在階除名賓雀以居檐中名瓦雀

鶉 本草綱目大如 鷓頭細而無尾夜則群飛晝則草伏通志人養之鬪

蠟嘴 詩小雅交交桑扈孔疏俗呼青雀嘴陸疏廣要此鳥今謂之蠟嘴

啄木 博物志能以嘴畫字今虫自出

鷹 詩小雅歟彼飛隼陸疏隼鷂屬也或謂之雀鷹春

花為布穀

鷓 詩秦風馭彼晨風毛傳晨風鷓也陸疏似鷓青黃色

鳶 詩大雅鳶飛戾天鄭註鳶鷓類鳥之貪惡者也因話錄明皇數登勤政樓每來鷓必集樓上號隨駕老鷓張志俗呼餓老鷓

鴉 陸疏自關而西謂鴉為流離本草拾遺鴉即梟也一名鵬天中記訓狐關西呼訓狐山陽縣志鵬土人名鬻猴昌黎作訓狐其首如貓又呼樹貓

鴟鵂 本草綱目說文謂之角鴟爾雅謂之怪鴟大如

鴟鷹黃黑斑色頭目如貓有毛角兩耳晝伏夜出聲如老人初若呼後若笑

鷺 天中記僖宗好鬪鷺數幸六王宅興慶池與諸王鬪鷺張志北鄉近水處多

鴨 周禮春官庶人執鷺曲禮孔疏家鴨曰鷺上林賦註郭璞曰鷺鴨屬

雞 周禮春官工商執鷄周禮鷄人雞人掌共雞牲辨其物大祭祀夜嘑旦以器百官方言郭註鷄雛關西鷺

獸屬

三原縣志卷一

地理

畧

牛 詩小雅爾牛來思其耳濕濕周頌維羊維牛咸陽志牛白頭黃身者爲牛中之王農家畜此主大富純黃者尤爲上乘

馬 詩秦風有馬白顛又駟騏孔阜又駕我騏驎又騏驎是中駟驪是騏張儀傳秦馬之良探前跌後蹄間三尋者不可勝數

羸 上林賦駃騠驢羸

驢 後魏公孫表傳太武將北征發民驢以運糧使軌奇詣雍州軌令驢主皆加絹一疋香祖筆記陝西民家有千里驢腰有腎六

羊 詩召南羔羊之皮毛傳小曰羔大曰羊史記平準書卜式牧羊上林中唐本草殺羶羊出陝西

豕 詩召南豶豕又豶豕五豶豕毛傳豕牝曰豶集傳豶一歲豕方言豬關西或謂之豶或謂之豕本草

綱目豬天下畜之而各有不同生梁雍者足短

犬 詩召南無使龐也吠秦風載獫狫獫毛傳龐狗也

獫狫驕田犬名長喙曰獫短喙曰狫驕張志邑守犬多田犬少

兔 詩周南蕭蕭兔置小雅有兔斯首炮之燔之張志田野有之可供祀典

三原縣志卷一 地理

巽

鼠 詩召南誰謂鼠無牙張志穴處野中可為腊

貓 張志家畜以之捕鼠

鱗屬

鯉 詩小雅包鼈鱮鯉張志產清河

鮎 詩小雅魚麗于鮎鯉周頌鱮鱮鯉毛傳鮎鮎也張志亦出清河

鱮 本草綱目似鱮而小張志長三四寸沉於泥中濁峪有之

鼃 漢武帝紀秋鼃蝦蟆關東方朔傳長安水地多鼃魚得以家給人足師古註鼃似蝦蟆人亦取食之本

草綱目一名田雞一名青雞關中常食之如魚
鰻 本草綱目一名白鱣一名蛇魚張志北鄉焦村溝
中有

介屬

鼈 詩大雅包鼈鮮魚周禮天官鼈人掌取 物以時
籍魚鼈然二通志關中諸水皆有之

螂 谿田通志山南北山流泉石下張志產嵯峨山下
澗水中微小

蚌 周禮天官春獻鼈蜃西京賦註蜃蛤蚌也說文蜃
秦謂之牡厲本草綱目圓曰蛤長曰蚌其肉可食其

三原縣志卷一 地理

罍

殼可以為粉

蛤 漢地理志蛤似蚌而圓

螺螄 張志邑北鄉多水處有

豸屬

蠶 周禮天官中春詔后帥外內命婦始蠶於北郊張
志鄉間有飼者但不廣

蟋蟀 張志俗呼促織

蟬 詩大雅如蜩如螗陸疏蜩蟬也螗蟬之大而黑色
者方言秦晉之間謂之蟬

螻蛄 本草綱目一名蝘蝓一名推車客一名夜遊

軍宏景曰其類三四種通志今各縣有之

守宮 方言秦晉謂之守宮或謂之蠪蠃張志俗名蠪虎

蜜蜂 本草綱目蜂三種蜜蜂小而黃

螟蛉 詩小雅螟蛉有子陸疏 爲文學曰桑上小青虫也

蠨螋 詩小雅果臝負之陸疏一名蒲似蜂而小腰故許慎云細腰也

蝮 方言蝮螬梁益之間謂之蝮或謂之蝮或謂之蝮蝮秦晉之間謂之蠹或謂之天蠹圖經本草陝郡皆

有之

蜻蜓 蜀本草所在有之六足四翼好飛水際

蝴蝶 本草綱目大曰蝶小曰蛾蝶美於鬚蛾美於眉故又名蝴蝶俗謂鬚爲胡也其類甚繁所在有之

蠅 詩小雅營營青蠅方言自關而西秦晉間謂之蠅螢 毛傳熠燿憐憐螢火也

蚊 本草綱目處處有之

蜘蛛 方言蜘蛛蝥也自關而西秦晉之間謂之蛛蝥壁錢 本草拾遺虫似蜘蛛作白幕如錢貼牆壁間北人呼爲壁繭通志各縣俱有之

蠅虎 崔豹古今註蠅狐也善捕蠅一名蠅豹通志處處有之

壁魚 本草綱目衣魚一名壁魚一名蠹魚

土鼈 本草綱目一名地龜生牆壁下土中濕處

蟻 周禮天官祭祀供麤羸蚘以投醢人方言西南梁益之間謂之元蚘西京賦註韋昭曰蚘蟻子也可以為醢西陽雜俎秦中多巨黑蟻好鬪俗呼為馬蟻

蚰蜒 本草綱目處處有之牆屋爛草中尤多一名入耳一名蛆蛄

蝸牛 日華本草卽負殼蚰蜒也通志各縣有之

蝙蝠 方言自關而西秦隴之間謂之蝙蝠

蝦蟇 咸陽志五月五日取陰乾東行者佳

風俗

周禮職方氏雍州其民二男二女其畜宜牛馬其穀宜黍稷朱子詩傳雍州土厚水深其民厚重質直無鄭衛驕惰浮靡之習以善導之則易於興起而篤於仁義以勇驅之則其強毅果敢之資亦足以強兵力農而成富強之業張志二者雖概論關中而原邑風氣至今爲然故以冠諸首

舊志圖經云三原物產阜蕃習俗醇雅又云民耻爭競

有禮遜風介巷云士勤學問民多商賈婦翁非慶壽有節不面見長幼雖疏屬異姓亦有序婚喪有相助之儀時節有往還之禮市肆之間無居第居第之所不貿易男不出贅女不招壻藹然有淳龐之風非復秦之傲俗矣

舊志本縣婦女自來俱戴大冠天順中知縣莫謙始令俱戴翟笄

舊志本縣自來凡有喪之家出殯之時親戚隣里俱以絹布鈔貫等物餽送其家男婦人各一分謂之收頭景泰四年王端毅爲大理寺副葬夫人蓋氏却此不受因謂鄉人曰此非古禮可止鄉人化之至今不復行

祭田通志婚喪過侈所宜節云

池北偶談王端毅家法甚嚴子孫雖孩提無敢嬉笑於側盛暑中必使着衣襪始侍左右嘗曰教爾曹讀書非爲利達計也正欲使知爲人底道理

李志士能敬業城邑鄉井類多絃誦科目前代爲盛今亦甲於諸邑詩書之澤綿遠殆長

李志農在縣北二峪左右水泉滋潤種植蔬果其利較厚地價亦貴中人之家不能踰十畝世守爲業可資俯仰其餘山坡平地水澤絕無克勤力作雖瘠猶未爲累

一遇旱虐維正難供輕去其鄉者有之是在司牧者因時量地加意勸相之有方也

李志工者不事濫巧惟以堅樸相尚匠作之家大抵箕裘相紹故止供室宇器械之需他未習也

李志商賈之習原民極當大則經理鹽茶細亦挾貲負販數年不歸饒裕之家勸令買地多以爲累萬金之子身無寸土思欲轉移務本輕末其道良難

劉健龍陽宮記三原水不負舟陸乃邇道然邊郡所需四方之貨皆輦於此其民利之率業商賈

李志婚禮舊俗自媒妁旣通納采奠雁量家成禮未嘗

較論短長近日競尚聘幣誇耀粧奩且送親雜集宴會紛繁習尚侈靡是深有望於鄉先生如范忠宣公之焚羅幔於庭以改其風也

李志喪禮初喪哭殮四日成服小祥大祥禫服頗同家禮至弔客給帛古之所無不論親疏槩予孝衫祭奠必在首七葬期停滯多年盛張供具侈集劇樂竭財乖禮賢者不免溫公格言曰喪禮散孝爲五服內親一槩散孝非古禮葬之時獻奠盡禮虛靡侈觀總屬無益哀詞輓章情不容已若軸帳滿堂文多浮諛是亦不可以已乎至於停柩不葬舉殯演戲尤爲人子所宜痛自省改

李志祭禮邑中舊家世族各立家廟四時享祭俗節獻薦與家禮俱不相遠惟元旦奠獻懸肖像於中堂十日一日焚紙寒衣冬至不設主位門外焚紙習俗相沿亦莫能易